

Ad multos annos

Festa de 60 agn "La Usc di Ladins" tla Cësa di Ladins a Urtijëi. An à cialé derevers, dantaldut ai prums agn. Per l'ocajion el gnu fora na edizion speziala, che i é ence gnuda meneda ai abonés. Per l davegni: "n cuotidian ladin" sun internet?



L salut y intervent sun la storia dl foliet ladin de Hilda Pizzinini, sourastanta onorara dl'Union Generela di Ladins dla Dolomites. Pro mesa: I redadour de La Usc di Ladins de Fodom Lorenzo Soratroi, I coordinadour Iaco Rigo, la redadoura de Fascia Lucia Gross, la presidenta dl'Union Generela Elsa Zardini y I colaboradour de La Usc di Ladins y redadour da dandavia Lois Trebo.

Atualité - An à rejoné dla storia dla stampa ladina, de chisc prums 60 agn de editoria ladina continuativa. Duc chi che à tout en chest di la parola - i editours, i redadours, i amisc y i politics - à dit che La Usc é importante. L president da dandavia dla Union Generela di Ladins dla Dolomites y ex consiadour provincial ladin Carlo Willeit à dit te si intervent che i ladins sciche popul à debujegn de n foliet da vigni di, de na radio

da vigni di, de na televizion da vigni di - de duc i mesi de stampa y de comunicazion atuai che i autri gragn lingac entourn nos via à. Willeit: "di per di gnonse bombardés con notizies ti lingac desferenc, ma nia tl nost, y chest é plu che alarant per tegni su nost lingaz y l svilupé aldò di debujegns di temps".

L journalist ghest, volù da l'Union Generela di Ladins, Florian Kronbichler à raté che "La Usc di

Ladins é plu importante per i ladins che l Dolomiti Superski y la Maratona dles Dolomites". Da les paroles sportes dal assessour provincial ladin de Südtirol Florian Mussner el dé inant i doi conseis: de ne publiché nia plu les letres critiches che po fé mal a persones y de ne nuzé nia plu l ladin dolomitan.

Hilda Pizzinini, presidenta onorara

va inant a plata 3